

霜

紅

龕

集

霜紅龕集卷三十四

陽曲傅山青主

讀子三 百泉帖

癸卯四月將過百泉訪鍾元孫先生途次攜得舊錄子書一冊再略流覽一批行閒復少爲解釋記所會心不必其中也隨手草錄爾爾

禡字 別本但作祖爲正

亢倉子全道篇大亂之本禡乎堯舜之閒其終存乎千代之後必有人與相食者矣格上小字禡以加切方言取也南楚之閒凡以物溝污中爲禡此切似遠于偏旁

或訛也若以加則當讀如牙矣非聲用道篇昔者桀信
天與其禡四海已不勤于道天奪其國以授殷紂亦信
天與其禡四海已不襲于道天奪其國以授周不知義
同否當再構善本考訂

蛻字

亢倉子全道篇蛻地之謂水蛻水之謂氣蛻氣之謂虛
蛻虛之謂道吾師乎蛻猶脫也

讀字

或是讀

亢倉子賢道篇時之陽兮信義昌時之默兮信義伏陽
與默昌與伏汨吾無誰私兮羌忽不知其讀讀字用之

此處不知當作何義豈有詭耶

亢倉子妙語

用道篇知而辨之謂之識知而不辨謂之道識以理人
道以安人讀者皆草草過吾獨愛之

鬼谷子要語

權篇古人有言曰口可以食不可以言反應篇故知之
始已自知而後知人也

尹文子情語

大道下篇貧則怨人賤則怨時而莫有自怨者此人情
之大趣也然則不可以此是人情之大趣而一概非之

亦有可矜者焉不可不察也平心讀之亦有禹稷溺餓之義君子當致思焉

鄧析子四句不解

楚之不汴流陳之不束麾長盧之不士呂子之蒙耻

公孫龍白馬論

似無用之言吾不欲徒以言之辨奇之其中有寄旨焉

白馬非馬可乎曰可曰何哉

問難

曰應馬者所以命形

也白者所以命色也命色者非命形也故曰白馬非馬

曰難

有白馬不可謂無馬也不可謂無馬者非馬耶有

白馬爲有馬白之非馬何也曰

應

求馬黃未與馬爲白

合馬與白復名白馬是相與以不相與爲名未可故曰

白馬非馬未可曰

問應反

以有白馬爲非馬

此句是申言白馬非馬本

義耳此非字似有字

謂有白馬爲有黃馬可乎曰

難反

未可曰應

以有馬爲異有黃馬是異黃馬于馬也異黃馬于馬是

以黃馬爲非馬以黃馬爲非馬而以白馬爲有馬此飛

者入池而棺槨異處此天下之悖言亂辭也

此二句可謂太直率

無味經

曰此曰字是與上文一人曰氣非又設一難問之人也

有白馬不可謂無

馬者離白之謂也不離者有白馬不可謂有馬也故所

以爲有馬者獨以馬爲有馬耳非有白馬爲有馬故其

爲有馬也不可以謂馬馬也

以白馬爲有馬不可命爲某馬某馬也

曰白

者不定所白忘之而可也白馬者言白定所白也

若所謂白

馬不死執其色之白者而忘之尙有馬在也今所言白
馬皆執著于白定爲白馬定所白者定以白爲所也猶
釋氏能所之所外既定之爲白而內又添一白之
之人其所白也不但非黃非黑亦未必是白也定所
白者非白也此句尤深謂執著于見白之人非白馬者無去取于色故黃
黑皆所以應白馬者有去取于色黃黑馬皆所以色去
故唯白馬獨可以應耳無去者非有去也故曰白馬非
馬黃黑之無去非白馬之有去也有去之白馬非無去
之黃黑馬也無去二句文義須連上文無去取于
色兩句看之于去字下添一取字無去取者非有去
取者也無去取是渾指馬言有去取是偏指白馬言
若以此義作求才繹之大有會通白黃黑皆馬皆可
乘故識馬者去其白而可已其義病在一白字必于
不黃不黑而馬之道狹矣

指物論

物莫非指而指非指

是主意

天下無指

難

物無可以謂物

自己辨得甚精

非指者天下而物可謂指乎指也者天下之所

無也物也者天下之所有也以天下之所有爲天下之

所無未可天下無指而物不可謂指也

此二句又似承上文未可以足

其意與未可是一義

不可謂指者

若與上文連來作一義上也字要作耶字讀

非指也

非指者物莫非指也天下無指而物不可謂指者非有

非指也

正義

非有非指者物莫非指也物莫非指者而指

非指也天下無指者

難

生於物之各有名不爲指也不

爲指而謂之指是兼不爲指以有不爲指之無不爲指

未可且指者天下之所兼天下無指者物不可謂無指

也

正義

不可謂無指者

前云不可謂指者非有非指也此又云不可謂無指者非有非指也

又深

一層非有非指也非有非指者物莫非指指非非指也

指與物非指也

末句奚待正是此義

使天下無物指誰徑謂非指

天下無物誰徑謂指天下有指無物指誰徑謂非指徑謂無物非指且夫指固自爲非指奚待於物而乃與爲指

豈不同復幽杳本是無用之辨然不能釋者顧讀之者之不無用其言也旨趣空深全似楞嚴

通變論

曰二有一乎曰二無一曰二有右乎曰二無右曰二有左乎曰二無左曰右可謂二乎曰不可曰左可爲二乎曰不可曰左與右可謂二乎曰可曰謂變非不變可乎曰可曰右有與可謂變乎曰可曰變隻曰右曰右苟變安可謂右苟不變安可謂變曰二苟無右又無左二者左與右奈何羊合牛非馬牛合羊非鷄曰何哉曰羊與牛唯異羊有齒牛無齒而羊之非羊也牛之非牛也未可是不俱有而或類焉羊有角牛有角牛之而羊也羊之而牛也未可是俱有而類之不同也羊牛有角馬無角馬有尾牛羊無尾故曰羊合牛非馬也非馬者無馬

也無馬者羊不二牛不二而羊牛二是而羊而牛非馬可也若舉而以是猶類之不同若左右猶是舉牛羊有毛鷄有羽謂鷄足一數足二二而一故三謂牛羊足一數足四四而一故五牛羊足五鷄足三故牛合羊非鷄非有以非鷄也與馬以鷄寧馬材不材其無以類審矣舉是亂名是謂狂舉曰他辯曰青以白非黃白以青非碧曰何哉曰青白不相與而相與反對也不相鄰而相鄰不害其方也不害其方者反而對各當其所若左右不驪故一于青不可一于白不可惡乎其有黃矣哉黃其正矣是正舉也其有君臣之于國焉故強壽矣而且

青驪乎白而白不勝也白足之勝矣而不勝是木賊金

也木賊金者碧碧則非正舉矣青白不相與而相與不

相勝則兩明也爭而明其色碧也與其碧寧黃

前云與馬以雞

以碧貼雞以黃貼馬黃其馬也其與類乎碧其雞也其

與暴乎暴則君臣爭而兩明也兩明者昏不明非正舉

也非正舉者名實無當驪色章焉故曰兩明也兩明而

道喪其無有以正焉

下篇末句天下故獨而正是此篇總結

末不得不淺而泄其餘事于君臣聊復自證法王人

王必正而尊尊而無偶其碧也驪也皆非正非正則

不尊不獨何以正天下似術非術似爭非爭

通變兩名明取易繫化而裁之推而行之二義以命篇者始曰無一終曰兩明而道喪無有以正其義則前之一卽後之兩之對然則此一卽老氏得一之一一是所貴者在一而開口作問辭曰二有一乎曰二無一是就知有顯然之二而不知有用二之一卒出一黃于青白之間猶以青白喻二而黃喻一耳又何不可以不偏之謂中之語釋此乎但中字爲圓圖理學家所霸安肯少以其義分之于諸子乎而其才高意幽又不能使儒家者如讀其所謂布帛菽粟之文一眼而句讀而大義可了鄙儒概以公孫龍輩之言置

之詈之以自尊其實不敢惹耳然此子著精闡微亦不屑屑於儒家者之許我可也然此猶有可以句讀者至堅白後篇之文變化縹緲恍惚若神著者離焉離讀者離焉離呵呵千百年下公孫龍乃遇我濁翁翁命屬水蓋不清之水也老龍得此一泓濁水而鯢桓之老龍樂矣

堅白論

義實與齊物同剝處似刑名法家而歸宿則非刑名非法還似道家者言

堅白石三可乎

總是自已難自已不必看作兩人說難到無處走底境界自有一種開通明白

受曰不可曰一可乎曰可曰何哉曰無堅得白

無堅但得白似

謂白要連石說猶白石又似堅白兩字拆不得無堅但白也要說堅白

其舉也二

舉字對廢字看

稍無白得堅又無白但得堅也要連石說猶堅石其舉也

二曰得其所白此所字似非語詞所字暗謂石字石為

日之石不可謂無白得其所堅不可謂無堅而之石也

之于然也此于字猶為字又非三也曰視不得其所堅

此就色上見白說故而得其所白者無堅也拊不得其

所白此就質之重處說故而得其所堅者無白也曰天

下無白不可以眎石天下無堅不可以謂石堅白石不

相外藏三可乎曰有自藏也非藏為藏也曰其白也其

堅也其指而石必得以相盛盈其自藏奈何若說白是

是爾堅也石必自多其白堅以為氣勢爾白也堅

而驕滿之矣莫非白露處那得云自藏曰得其白得其

堅見與不見離不見離一一不相盈故離離也者藏也
就與石爭之人言若說我得其白得其堅則白堅不在
石上矣是我見白見堅不見石則見與不見離有所不
見者是離其如見堅離白見白離堅離堅留白離白留
堅爾卽奪其白堅而有之矣石初不援堅白以自多也
故爾得而離之究竟不相外者在石上所謂離者乃其
藏也得見白其白得見堅其堅見其白則不見堅矣
所見之白所不見之堅實相附離也所不見之堅離在
一偏卽當與所見之一爭盈矣而卒不相盈故能相附
離能相附離自然藏于中猶言
石能藏堅白也堅字亦然省
曰石之白石之堅見與

不見二與三若廣修而相盈也其非舉乎

若不理前之其白其堅及

得白得堅之論但曰石之白石之堅似可以破一之之
說然而見白時不見堅見堅時不見白見堅白時又不
見石則見與不見又有二與三矣益欲廣長其辨與石
相盈石不用自舉而爾自舉其一之非三矣若炤初
起曰字一難一答曰石之堅一段却又堅白石三之
生意謂有石有堅有白見此不見彼分明是有二與三

若橫堅相多其
舉之三非乎
曰物白焉不定其所白物堅焉不定其

所堅不定者兼惡乎甚石也
而不定其為堅為白兼堅白而有惡乎甚猶何物最甚

似謂物之白與堅者尙無一定之所而最合
曰循石非

堅白而牢者石而已
甚字又恐是其字

彼無石非石無所取乎
全用莊白似脫一石不相離者生文法堅字

說是固乎然其無已曰于石一也
此又謂三者自開一步堅白二

也而在於石故有知焉有不知焉有見焉有不見焉
知見

各是
若但寬看

一牛故知與不知相與離見與不見相與藏
知見兩字

不必再索矣若細窮知見兩字尙有深
藏故孰謂之不

離藏久而熟熟則忘本附離而
曰目不能堅手不能白

又破
不可謂無任此任字似是

非三
堅字之訛不可謂無白其異任也

其無以代也堅白域於石

堅白爲石所域

惡乎離非曰堅未與

石爲堅而物兼未與爲堅

才曰堅則不必輒與石爲堅而成一物矣強以未與爲堅

者而堅之必以其非堅者爲堅何也有堅之物也物猶意也

而堅必堅

自堅者言其之而必堅其

不堅

此堅字可句

石物而堅

此堅字亦可句

天下未有若堅

石物而堅是平

空以一物爲堅而堅之是石非其堅之物

而堅藏白固不能自白惡能白石

物乎

如是之堅者且又藏其白與堅等其所謂白未必真白也自以爲白耳是不能自己見其是非黑白

尚焉能白所石之物乎石物即上石物而堅之石物也

若白者必白則不白物而

白焉黃黑與之然石其無有惡取堅白石乎故離也離

也者因是力與知果不若因是

故堅白石三者相離而有之知其爲相附離而

有者則亦因是而白之而堅之而石之何必爭其爲白也爲堅也爲石也不爭而因之則知力俱無是處且

猶白以目以火見而火不見則火與目不見而神見神
不見而見離初看以神不見而見爲句再三看亦堅以
手堅以手三字而手以捶是捶與手知而不知對上不見而見
之義而變其文而神與不知神乎是之謂離焉離也者
所以爲古文
離焉離也者是一
句謂離而不離也天下故獨而正

末句離焉離也者天下故獨而正通篇大旨可見

篇中離字作去聲讀如附離之離末路精義不遠髣
髴得之可喜也

此之堅非善閉無關捷而不可開之堅白非知白守
黑之白所謂堅者易脆也所謂白者易染也由于其

人之謀杵如石者隨所著見知而不化于以內身外
世皆不可費却多少攻守而卒歸於石亦惡有又進
之于神之不見不知離而非離者獨而已矣謂不離
于堅不離于白不離于石也

公孫龍四篇是一義其中精義大有與老莊合者但
其文又一種堅奧連環不知莊生當時非公孫龍何
故

鬼谷子中經

中經謂振窮趨急施之能言厚德之人救物勢窮者不
忘恩也能言者傳善博惠施德者依道而救拘執者養

使小人蓋士當世異時或當因免闕坑

闕字字書無或是闕字

或

當伐害能言或當破德爲雄或當抑拘成罪或當戚戚

自善或當敗敗自立故道貴制人不貴制於人也制人

者握權制於人者失命是以見形爲容象體爲貌

此形體似

指人之形體

非自之形體聞聲和音解仇鬪郤綴去郤語攝心守義

本經記事者記道數其變要在持樞中經見形爲容象

體爲貌者謂爻

奇

爲之生也可以影響形容象貌而得

之也有守之人

此一種人便不須抬架

目不視非耳不聽邪言必

詩書行不僻淫以道爲形以德爲容貌莊色溫不可象

貌而得也如是隱情塞郤而去之

伎倆無所用之可見鬼谷學術專於用小

耳聞聲和音謂聲氣不同則恩愛不接故商角不二徵

羽不相配能為四聲主者其惟宮乎故音不和則悲是

以聲散傷醜害者言必逆于耳也傷似謂把其可醜之

散傷醜害四字作四義解散雖有美行盛譽不可比目

合翼以相須也此乃氣不合音不調者也解仇謂解羸

細之仇鬪郄者鬪強也此一段只是桃鬪教人盡力鬪

鬪字讀則明謂強郄既鬪此段似釋謂勝者高其功盛

其勢弱者哀其負傷其卑污其名恥其宗故勝者鬪其

功勢苟進而不知退弱者聞哀其負見其傷則强大力

倍而死是也郄無極大禦無極大則皆可脅而并之刺客

全不念我并之綴去者謂綴已之繫言使有餘思也故

而又有并我者接貞信者稱其行厲其志言可爲可復會之期喜以他

人之庶引驗以結往明疑疑而去之卻語者察伺短也

故言多必有數短之處識其短驗之動以忌諱示以時

禁然後結以安其心收語蓋藏而卻之無見已之所不

能于多方之人

奸至此極矣

攝心者

此段是鄒術之流

謂逢好學伎

術者則爲之稱遠方驗之驚以奇怪人繫其心于已効

之于人驗去亂其前吾

吾謂人所執之我見也

歸誠於已遭淫酒

色者爲之術音樂動之以爲必死生日少之憂喜以日

所不見之事終可以勸漫瀾之命使有復會

此段不知是懲惠耶

移其心志耶守義者此義字只是宜字謂以人所宜者為主不和拗謂守以人義

探心在內以合者也探心深得其主也深字即作探字亦可從外

制內事有繫由而隨之也故小人比人小人於人無可否獻替之義以

水濟水一味背正道而用之不顧家國也故下文云云

至於轉危爲安救亡使存可見中經之言似傾危之術

而實欲匡救危危之主其精神全在亂世亂君上用之

故初言有守之人一段是不須用中經之言者也然而

此等人不可得是以則左道而用之至能敗家奪國非

有此揣摩捫闔之苦

賢智不能守家以義不能守國以道聖人所貴道微妙

者誠以其可以轉危爲安救亡使存也

文之古奧質摯不待言而肝腸却淺細傾險有聖賢

之徒所不屑觀者

鵲冠子

天權篇鳥乘隨隨駒蜚垂輒

陸注曰輒或作輒

語不可解讀至

此而界之不能過強以上下之文解之猶言鳥之乘高

也隨隨然駒

字書無

猶何乎

駒字從隨隨生來委委隨隨而何曲飛之以下視而不迷

於輒蜚即飛垂下也亦曰邊垂之垂輒

字書無

聊讀如耿猶

言燭照之譬乎从車則有輒跡之可見者也

不知即輒之訛耶

上云理之所居謂之地神之所形謂之天知天故能一

舉而四致並起而獨成其即黃鵠一舉再舉知山川紆

曲天地圓方之喻耶下文又曰善計者非以求利將以

明數善戰者非以求勝將以明勝大概不欲蔽蒙鬲塞

而欲灼知遠見之義登九天而知九地已耳

莊子

故其與萬物接也至無而供其求時聘而要其宿大小
長短修遠注大小六字則云皆恣而任之會其所極而
已愚謂六字中長修遠三字意複略爲疏之從上文看
來則當云大者小之老子合抱之木生於毫末是也長
者短之老子千里之行始於足下是也但修遠二字又
不與大小長短同又少括翻上義修以遠之爲積功累
行任重道遠耶

苟有其實人與之名而不受再受其殃注有實故不以

毀譽經心也一毀一譽若受之於心則名實俱累斯所以再受其殃也注義非不高愚看來本文不爾如士成綺既謂爲不仁之矣我卽受其不仁之名不爲強辨若有不仁之實而又不欲受其名鬼神將禍之矣故曰再受其殃

吾服也恒服吾非以服有服注服者容行之謂也不以毀譽自殃故能不變其容又有爲爲之則不服恒服注亦說得去愚謂服猶服罪之服謂既說我有不仁之罪矣吾卽服其罪常常服此一不仁之罪可也吾不以罪而逃其罪使罪上有罪也有作又字亦可

抱甕假修混沌郭注與本文義似左

太公任之言曰道流而不明居得行而不名處純純常

常乃止於狂郭注道流至不明句昧然而自行也自居

得行而不明處句注彼皆居然自得此行耳非由名而

後處之句讀皆拙愚謂道流而不明居句得行而不名

處句謂道本不息如川之流本非居於明令人得指而

爲表的者若聖人得而行之卽行其不明之道豈得標

一名而處於其下令衆人耳而目之義極淺句極分明

不知何所見而以居字屬下句注又硬出居然之字也

以明自居占名自處郭得令人相安明卽上文修身以

明污之名才欲明污則惟恐其名之不歸我矣下文至人不聞卽不用名也至於不亂羣行妙矣

出怒不怒猶云人有怒氣若發出了則裏面遂無怒氣可見怒从不怒中生出也出爲無爲謂人有所欲爲旣爲後則裏面仍是無爲之心空空然耳可見爲是从無爲中生出也所以下文說欲靜則平氣欲神則順心有爲也欲當則緣於不得已平其氣自然無怒緣不得已自然有爲也皆當辛鉞文子有怒出於不怒二句養生主曰躊躇滿志注逸足容豫自得之謂田子方篇躊躇四顧注無可無不可解又少異於前

管子

宙合注極可笑

春采生秋采菰夏處陰冬處陽此言聖人之動靜開闔
誦信淫儒取與之必因於時也時則動不時則靜是以
古之士有意而未可陽也故愁其治言含愁而藏之也
賢人之處亂世也知道之不可行則沈抑以辟爵靜默
以佯免辟之猶夏之就清冬之就溫馬可以無及於寒
暑之蓄矣非爲畏死而不忠也夫強言以爲僂而功澤
不加進傷爲人君嚴之義退害爲人臣者之生其爲不
利彌甚故退身不舍端修業不息版以待清明故微子

不與於紂之難而封於宋以爲殷主先祖不滅後世不

絕故曰大賢之德長

管仲主意是不死故往往情見乎辭

傅山曰說文無涅字廣韻涅以整切釋曰泥也於此
義疏動靜以下兩兩相對涅對儒儒有緩義則涅必
取急疾矣若如泥解則涅儒同義不相反也豈其涅
之訛耶豈卽楚之郢耶郢楚而儒則魯正可反對也
楊升菴六書索隱曰涅卽澄澄則清矣非泥義也對
儒言則涅取澄義儒當取濁義而儒若本儒俱从水
旁則涅旣澄濡當濡滯之濡近於泥濫可強解之然
竟作儒不似訛者奈何

彙按今本亦有作濡者

弄而無怒此言止忿速濟沒法也怨而無言言不可不
慎也言不周密反傷其身欲而無謀言謀不可以泄謀
泄蓄極夫行忿速遂沒法賊發言輕謀泄蓄必及於身
故曰弄而無怒怨而無言欲而無謀傅山曰止忿藏殺
機也沒法泅法也潛行水底之術也若不止其忿而顯
以行之欲速成其功則彼既知覺則所謂沒法者我不
及發而賊反先發矣

凡心之刑自充自盈自生自成其所以失之必以憂樂
喜怒欲利能去憂樂喜怒欲利心乃反濟傅山曰反濟
謂向隨六賊渺無所止猛舍六賊則本體不遠如還登

岸所謂反濟也

彼心之情利妄以盜勿煩勿亂和乃自成折折乎如在於側忽忽乎如將不得渺渺乎如窮無極此稽不遠日用其德傳山曰恍兮忽兮

凡道無所善心安愛心靜氣理道乃可止傳山曰房注言道無他善惟愛心安也是于善字爲句而又倒安愛爲愛安愚謂當以所字爲句言道本無所在而學道者當善其心而安於愛蓋安上敦仁之教也雖云大道不惟無惡並善亦無之然既爲有心之人矣易流於惡但能不忘繼之者善之初是道母生生之原也

定心在中耳曰聰明四枝堅固可以爲精舍精也者氣之精者也氣道乃生傳山曰氣不道則死矣

形不正德不來中不靜心不治正形攝德天仁地義則淫然而自至傳山曰注言欲正形攝德但能則天之仁法地之義則德淫然自至非也蓋言能正形攝德則天之仁地之義自淫然而至是由外制內之工然形亦何容易正坐如泥塑人心定不邪耳

敬除其舍精將自來精想思之寧念治之嚴容畏敬精將至定傳山曰申正形攝德之義

飽則振動飢則廣思老則長慮飽不疾動氣不通於四

未飢不廣思飽而不廢老不長慮困乃邀竭傅山曰疾動廣思真足以救飽救飢惟長慮似不能救老者奈何乎爲言近死之心無使復陽慮矣而非長朝聞夕死長往相羊矣

大心而敢寬氣而廣其形安而不移能守一而弃萬苛見利不誘見害不憚寬舒而仁獨樂其身是謂雲氣意行似天妙語妙語注曰能調其氣故比於雲意之行氣似天之布雲也傅山曰雲氣行天去其意而可矣凡人之生也必以其歡憂悲喜怒道乃無處傅山曰歡非喜耶喜著而歡虛

得道之人理丞而屯泄注曰腴理丞達屯聚泄散也傳
山曰丞猶烝也火氣上行也

管子

吾以管子莊子列子楞嚴唯識毗婆諸論約畧參同益
知所謂儒者之不濟事也釋氏說斷滅處敢說過不斷
滅若儒家似專專斷滅處做工夫却實實不能斷滅世
路莫如人欲險幾人到此誤平生如此指摘何等嚴毅
學者概因一个怕字要遠他所以士大夫不無手鬆脚
脫時若但能平常淡淡看去鬼不向人不怕處作祟也

霜紅龕集卷三十四

霜紅龕集卷三十五

陽曲傅山青主

讀子四 百泉帖

墨子大取篇釋

與義奇文後世以其不可解而置之因其文而錄之道藏中亦有此

天之愛人也薄於聖人之愛人也其利人也厚於聖人

之利人也

鼓萬物而不與聖人同憂

大人之愛小人也薄於小人之

愛大人也其利小人也厚於小人之利大人也

大人有德有位

者治人者也小人百姓也治於人者也百姓依護大人以爲生故愛大人也然此就大人能爲人依護者言耳其常也若草芥寇讎則後世以臧爲其親也而愛之非

愛其親也以臧爲其利也而利之非利其親也

臧卽對獲之臧

臧本非親也。以之爲親而愛之，利之特愛利，臧也不可。謂愛利其親也。若墨子之學，愛無差等，則愛利臧與愛利親無異。又似謂非愛利以樂爲利其子而爲其子欲其親我而我爲愛利之也。之愛其子也，以樂爲利其子而爲其子求之，非利其子也。且如愛子者，於諸所謂可樂可利之業，如廣田廣宅，爲其子欲有是樂而利之，固愛子之常也。若不令子勤劬自力爲之，而爲之張角以求之，是所謂牛馬人也。則子終爲溫飽惰窳之人，其利之適所以害之矣。於所體之中而權輕重之，謂權權非謂是也，非非謂非也。權正也，斷指以存腫。腫疑腕利之中取大害之中取小也，害之中取小子。子字衍非取害也，取利也。其所取者人之所執也。因愛利之有似是而非者，求其所謂是非者，有權焉。權不過當其輕重而已。輕輕而重重，則是輕重而重，輕則非權而求其非者爲是也。求其非非者爲非也。爲去聲。如此若平聲，則權非謂欲其是也。

而於非非畢竟斷之爲非也非非再狎猶此不是必不是也權所以正是非非所以正輕重也輕重且不彼權於外卽就其身體權之輕重有較然者如指腕是也指腕俱不可斷而斷指是害之小者存腕則利之大者取而存者腕腕爲人遇盜人而斷指以免身利也其遇盜之所用以爲執者遇盜人而斷指以免身利也其遇盜人害也

文義當先云遇盜害也而斷指免身利也此却先言利後言害

斷指與斷腕利

於天下相若無擇也

爲愛利天下者斷指與斷腕一也謂指不可惜腕亦不可惜也

死

生利若一無擇也殺一人以存天下非殺一人以利天

下也殺己以存天下是殺己以利天下

殺人存天下必竟是殺人不加

殺己以於事爲之中而權輕重之謂求求爲之非也害

利天下之取小求爲義非爲義也

求其最不傷於義者而爲之求義之所爲者尚非而未盡

是也卽如害之中取小不取大義也然尚有所惜尚非義也故必須不顧害之大者使盡愛天下之義苟可以

利天下斷腕可也死可也爲暴人語天之爲是也而性爲暴人歌天

之爲非也諸陳執既有所爲而我爲之陳執執之所爲

因吾所爲也若陳執既有所爲而我爲之陳執陳執因

吾所爲也

暴猶自暴暴殄之暴自暴情竄無所事事之人與之言天生天殺之道則是若任性暴殄

而爲歌詠天下之所爲人亦當如是不勤不苦則非也

暴又如殘忍之人自爲而不爲人如不肯拔一毛者皆

可暴人爲我似指爲我之楊朱拔一爲天之以人非爲

是也暴人爲殘暴自暴之人爲我而假之天道自然生殺何容我爲彼而爲之是不畏人非以人之所非

爲是凡殘暴自爲之鄙夫人必而性不可正而正之利

之中取大非不得已也害之中取小不得已也此種性原不可

正而欲正之則無奈何與之擇其不得已之取而已謂

暴人非害之小者亦不肯取之以利人利取大害取小

即存腕斷
指之說

所未有而取焉是利之中取大也

若作興利
皆未有而

取者是利

於所既有而棄焉是害之中取小也

既苦作

而中取大
此以下語意暗逗不厚葬

義可厚厚之

可厚厚

義可

薄薄之

可薄薄

謂儉列德行

不妄費為儉有次第為列
是為有德於人者之行也

君上老長親戚此皆所厚也

即以生人論之如君上長
者親戚皆所當厚不得

厚為長幼不為幼

而厚施於下者如長之於幼為長養
其幼不自為幼以待長養於人也

薄親厚厚親薄薄親至薄不至義

世之於親厚者過厚
薄者過薄我則不然

於薄親也厚之於厚親也薄之即所謂薄親用

厚親不

其至於人之薄者耳

不至於取其為義之私也
厚親不

稱行而顧行

厚親人皆稱其厚而行於厚不肯顧其行
於薄者而均之我則不稱其厚以行而顧

薄者以行也仍是薄厚厚薄之義也其義即含厚
葬誨盜正見薄親之厚而儒之所為乃厚親之薄為天

下厚禹爲禹也爲天下厚愛禹乃爲禹之愛人也厚禹之加於天下而厚禹不加於天下若惡盜之爲加於天下而惡盜不加於天下愛人不外己己在所愛之中己在所愛愛加於己倫列之愛己愛人也聖人惡疾病不惡危難正體不動欲人之利也非惡人之愛也聖人不爲其室臧之故在於臧聖人不得爲子之事聖人之法死亡親爲天下也厚親分也以死亡之體渴利興渴利興如

管子移葬以爲貧民之利者

有厚薄而無倫列之興利爲己語經語

經也

且如禹之無腓無毛是愛天下之人也如此爲天下而遂不敢薄禹之所爲爲禹當如此至於爲天

下而厚愛禹者乃爲禹之愛天下之人也此是要效禹愛人之意故下文卽云徒知厚禹之加愛於天下而所

以爲厚禹者不肯自己去爲之以加於天下却是惡傷人之盜加害於天下而又惡傷人之盜不加于天下者謂不肯盡心盡力以爲愛人之事徒有其意而無其實是愛人而不肯外己外猶舍也除己在外也不肯外己己先在所愛之中己既在所愛愛己之意必較人而倍之先之等倫列之曰將愛己以愛人也非聖人之愛人也聖人則不自愛以愛人但惡自有疾病不能去愛人不惡外之有危難也卽有危難聖人不辭其苦正其體以濟之其中畧不搖動只欲人之有利而無害也初不惡人之愛我也何也我利人人必愛我不必回護之如彼爲天者之不欲有使人愛我之名也然聖人實不爲使人之愛我而始愛之如上棟下宇之室所以使人無風雨之患也而時臧之善之初不爲其室而臧之故察於室之如何而臧豈望室之感而臧彼而臧我也蓋室以居生人惟恐其不盡善如大壯耳至於居死人者有異於此故聖人竟有不得爲人子之事之時何也不厚葬也所以聖人之法有死亡親者不侈靡於葬所以爲天下惜財也故厚親是分之所當爲也至於死亡之體而就之以爲興利之資而如渴以爲之定天子諸侯大夫棺槨衣襲之類有分別而無謂分別其葬似有厚薄

而以死人興利之心無厚薄也倫列之以非白馬焉執

爲語

經語經曰譏儒者之語不足爲經也

非白馬焉執

駒焉駒駒豈非馬也執駒猶所謂定駒也

說求之舞

說非也漁大之舞大非也

以說求利而隨其說以爲非求利也漁網大其利也而隨

舞其大非三物必具然後足以生臧之愛己非爲害己

其大求也

之人也厚不愛己愛無厚薄舉己非賢也

所以養生也

必具之而後可以爲生其於三物也必愛之爲其有利

於己也至於臧之用力於己是愛己之人非害己之人

也愛之當更厚於三物矣故厚之當外己不舍己義利

而不論於當厚薄先舉己而自愛之不可謂賢也

不義害志功爲辨有有於秦馬有有於馬也智來者之

馬也

義者宜也宜利不宜害與利之事須實有功不得

人有之是實有其有於馬之才也何也馬非自從秦來

也是其人之智力來之馬也功也非徒有有馬之志也

愛眾眾世與愛寡寡世相若兼愛之有相若愛尚世與

愛後世一若今之世人也鬼非人也兄之鬼兄也推其

之實愛眾與愛寡相若若但能愛寡而不能愛眾不可謂愛也世謂眾之在此世我俱愛之不見多與寡之在此世我愛之不見少用心力一也謂愛寡是盡我一世之力而愛眾亦盡我一世之力仁以為己任死而後已也然但愛及生人耳若愛及死者如愛尚世已往之人如愛見今之人則後世我不及見之人亦當愛如我同時之人矣而用愛者為其人也至於鬼則非人矣鬼既不可謂人而死兄亦鬼矣乃尚兄兄而人之何也天下之利驩聖人有愛而無利聖有愛人而無利天下之

心 倪曰倪譬喻也於此無當 之言也乃客之言也天下

無人子墨子之言也倪曰以下似墨子設為儒者非墨

以為主者乃一偏之辭之客言也其言非正也使天下愛無差等而薄葬其親無人子之情者是墨子之言也

猶在不得已而欲之非欲之也

不知我墨家者正尤察其不得已者而欲之即

上所言害之小者謂薄葬是不

非殺臧也焉殺盜非殺

盜也

殺滅也衰殺之殺葬臧厚葬所以誨盜盜若不衰凡殺其臧焉能衰殺其盜非衰息盜之法也明矣

學愛人小園之園與大園之園同方

園字不解似謂笛而之園以盛穀者

小園與大園盛穀雖有多寡之異然以養人之用則至同故學愛人各盡其所愛之量以愛人同方法也

尺之不至也與不至鍾之至不異其不至同者遠近之

謂也

如由寸而至于尺由升斗而至于鍾其度量無小大而求至于分刻則一也此至字與前至薄不至

義之至同謂至於也到也致之必到其地也不至鍾之

不至至上似脫一不字與上尺之不至同謂尺不至尺鍾

遠或近也是璜也是玉也

是其為璜者是其以玉為之也若石則不可為之璜矣

意楹非意木也

意楹非意木意是其可以為楹之木非但木之而若但木之則角棗皆木也不

可爲意指之人也非意人也意獲也意可指使之人非但人也意用其人

而有所乃意禽也志功不可以相從也意人乃實意禽也意僅可曰志

不可以爲功必得楹得禽而後可云功也志與功不利可相從而得以志爲功也故志是志功是功當辨也利

人也爲其人也富人非爲其此下似當有一鬼字也聖人之利人

之生也而人欲富之非人有爲也以富人富人也治人

有爲鬼焉生人之有爲也本以富生人富生人而治人者乃有爲鬼者何也申厚葬之爲鬼非爲人

也非爲其其爲賞譽利一人非爲賞譽利人也亦不至

無貴於人至親之一利未爲孝也亦不至於智不爲己

之利於親也智是之世之有盜也盡愛是世智是室之

有盜也不盡是室也智其一人之盜也不盡是二人雖

其一人之盜苟不智其所在盡惡其弱也

儒家治厚葬以利其得一

孝名耳是爲稱賞名譽以利一人非爲以賞利實有利於衆人也充其要譽之心卽不爲此厚葬以求於人亦不至別無可貴於人之事卽欲因此博一孝名以利心則名而已矣尙得爲眞孝乎不孝且勿論而以厚葬誨盜且亦不智是不見諸聖人所先爲人欲名實名實不得已之有利於親處也

必苟是實也白敗是石也盡其白同是石也惟大不與大同是有便謂焉也以形貌命者必智是之某也焉智

某也不可以形貌命者惟不智是之某也智某可也

聖人

所爲人於名實之間欲名之有實也若但曰名實徒有其名而不必誠是其實則白敗是石也白敗不知何物當時或有此名可見當時諸子多持堅白石之論故此及之以辨名實若但以白爲石如物之壞而敗者如白礫白微之皆可謂之石矣卽以大言之如大馬非大牛也若去實而不分辨之但曰大如何是大也是有形

者卽謂之大焉也不論其爲大某大某也焉在此處作了語是盡其辭也故物之以形貌命者必知是物爲某物則盡其辭而名之曰焉智某也若其不可以形貌命者知之不眞不能的確知是物爲某物也但智某之可也不得盡其辭曰焉智某也此焉如漢碑焉焉矣矣終辭也決辭也焉智某焉開口卽用之似當作安字惡字之例而語氣承上便謂焉也來不得作安惡義也

諸以居運命者苟人於其中者皆是也去之因非也諸以居運命者若鄉里齊荊者皆是諸以形貌命者若山邨室廟者皆是也智與意異重同具同連同同類之同同名之同邨同鮒同是之同然之同同根之同有非之異有不然之異有其異也爲其同也爲其同也異一曰乃是而然二曰乃是而不然三曰遷四曰强子深其深淺其淺益其益尊其尊察次

山比因至優指復次察聲端名因請復正夫辭惡者人

右以其請得焉諸所遭執而欲惡生者人不必以其請

得焉聖人之拊

句 瀆也

此非拊擊之拊蓋拊循之拊猶

拊循也从賈从水水平也稱物平施如物之貴賤之價也不容私心輕重之下文仁而無利愛是也 仁而

無利愛利愛生於慮昔者之慮也非今日之慮也昔者

之愛人也非今之愛人也愛獲之愛人也生於慮獲之

利非慮臧之利也而愛臧之愛人也乃愛獲之愛人也

去其愛而天下利弗能去也昔之知牆非今日之知牆

也

突出如牆兩字奇幻而撲牆所以障護也又堵禦不可過也

貴爲天子其利人不

厚於正夫二子事親或遇熟或遇凶其親也相若非彼

其行益也非加也外執無能厚吾利者籍臧也死而天

下害吾特養臧也萬倍吾愛臧也不加厚

居運猶出移在此在彼也

凡以居運名者皆實實有人於其中者如居齊曰齊人而去之荆則不得謂齊人矣之類也即如山之非邱室之非廟實在斯名在不得曰邱即山廟即室也的二知之智彷彿度之意不同也同而不同之間不勝言之而重則有金之鐵之重重同而金鐵異器其有飲具食具之類具或是貝字之訛錦有異者亦通連如連衡之連外連而內各有心也連又鉛錫之名然上有重矣此不必復作錫解也又四里爲連十里爲鄉亦可解去同類之同如熊羆鳳凰類同而名不同名同如鼠璞名同而實異邱同而有崑敦鮒同而有鰠鮠同是同然是然有異同根同而枝葉異非與是異不然與然異非非卽是不然矣而非與不然又微異因有異也而欲同之其爲同之也又不能渾同而各有其私同者又異楞嚴因彼所異因異立同之語可互明此旨其同異之中畧分四種辨之其一曰乃是而然乃猶若也又猶那個也猶云是其是而然之二曰是而然乃猶若也又猶然與不然不欲

苟異者也三曰遷則就人之意多猶因其然然之因其
不然不然之又既然之而時復不然之既不然而又時
復然之無定見也四曰強則執己之意多猶本然之而
強不然之本不然而強然之四者之中各有深淺尊益
尊者搏也益者溢也深其深而不爲之淺淺其淺而不
爲之深益其益而不爲之搏搏其搏而不爲之益詳察
之第次之山止而不移比櫛而不紊因而至裕乎其指
厯多而見定於是又詳察其聲端定其名使聲名之間
不相假借因其請謁而復正其名使不得請而有所利
焉如有所惡而不欲而欲辭以脫者有人爲右而用力
遂以其請得辭其惡此人之私爲用力者也若諸所遭
於天而有欲有惡生於其中者非人之所能爲也則不
必以其請得焉所謂正也不受其請也故聖人之於人
捐瀆而無私利一人私愛一人之心捐撫也瀆平也凡
利愛一人之私皆生於計慮而有得心卽以計慮言之
古人非無慮也非今之慮也古人之愛人也非今之愛
人也何也古公而今私也如以臧獲二種論之臧主畊
獲主織獲人也臧人也愛獲愛臧同一愛人之心也愛
獲之愛生於慮獲之織之利與愛臧之畊之利有不同
謂愛獲時且只利其織耳而至於愛臧之畊之時仍是

愛獲之織之愛人者也但其私心愛賊之畊時卽不顧
愛獲愛獲之織時又不顧愛賊其愛之之私有在不
在而畊之利於愛獲時去之矣織之利於愛賊時去之
矣去其私愛而愛無不在利亦無不在故曰天下之利
弗能去也如牆也者人所依以爲底者也聖人知爲人
之牆而非爲一人之牆也又非於人有時牆有時不牆
也今日之智則愛此人時牆此愛彼人時牆彼非若聖
人公普之牆故所以利人者偏矣貴爲天子而利人者
莫貴於正正猶反偏爲正之正取諸民者有定不橫征
以病之正如牆之可以爲蔽禦又可以堵界而不過故
正之厚於人也爲拊澗爲長人之異短人之同其貌同
知指取之有度愛之不偏

者也故同長人與短人異於長短也而長人之耳目口
鼻短人所同也謂同有人貌故謂之同也

指之人也與首之人也異若作人之指與人之首也異
毫無味矣指之人與首之人

謂指上底人與首上底人意遂與遠無窮古文之非今
文爾爾如象王經之鼻之象耳之象然彼却又作象底
鼻象底耳

直而不畜人之體非一貌者也故異將劍與挺劍異劍

以形貌命者也其形不一故異楊木之木與桃木之木

也同諸非以舉量數命者敗之盡是也

人之指不可謂首首不可謂指

是指與首不可同也謂人之體非一貌指體非首貌首體非指貌故異如將而奉劍挺而拔劍異者謂將有將

貌挺有挺貌不一形也故異若不論其形貌而但以一名混之如楊木爲木桃木亦爲木故一人指

非一人也是一人之指乃是一人也方之一面非方也

方木之面方木比以故生以理長以類行也者立辭而

不明於其所上忘也今人非道無所行惟有強股肱而

不明於道其困也可立而待也後辨以類行者也立辭

而不明於其類則必困矣故浸淫之詞其類在於鼓栗

指當無用時豎一人之指但可謂之指非一人也若以

一人之指指東是之爲東指西是之爲西乃是一人矣

謂指有用處爲人也方者如東西南北之方若方其東而不方其三方未爲方也如木之有面而匠石方之則必比其以宿根之故而生以文理而長之以其類而行之如桃根生桃楊根生楊所以正辭出令也若立辭而不明其所上上猶貴尚也忘猶茫也心芒然無知也如人行路之有故道若不循故道而行所謂如匪行邁謀是用不集於道雖股肱之強亦至於困而已矣然墨學正在股肱之勤強也而此又似不徒以股肱之強爲事則所援禹之股無腴脰無毛者皆有道於其中謂其行之勤不徒以其不類之辨而強令於人也先行而後辨以其類行之也以下則言立辭之不知類者浸漬淫溢栗謂戰栗已戰栗矣而又鼓之是益其栗鼓所以鼓勇也非鼓栗也鼓聖人也爲天下也其類在於追迷或壽栗則已甚也

或卒聖人爲天下必於見其功如追迷子者必獲而歸之或壽或卒無半途而返之理其利天下也指名其類在譽石聖人之利天下也不爲名爲名之無益於己也若利天下而指

以爲名與贊美石頭何異一日而百萬生愛不加厚其類在惡害日

而有百萬生人若不愛為萬而推之而單為一二人是
不加厚其類在惡害謂惡害之加於一人者即當惡害
之及於萬人者愛二世有厚薄而愛二世相若其類在
矣當皆除之也愛文愛子孫當有厚薄也而愛孫與愛子同一愛心其
蛇類順而有理蛇類也委迤也文禮之節也儀禮鄉
射幅長如筍龍首其中蛇交章當愛之相若擇而殺其
蛇亦委蛇之義非龍外又有蛇也
一人其類在阬下之鼠謂如有二人而我俱愛之力有
一而愛之而愛乃專而篤如在阬下之鼠無所得倉廩
而竊之相噬之以圖苟存者耳又鼠者憂也憂思過計
如鼠之在阬下無復小仁與大仁行厚相若其類在申
高明高大之義也
仁無小大皆行之以厚申堅也身也信也必以身堅行
其仁以成物如萬物至申而成也又水土生於申水土
無論大小皆人所依以凡興利除害也其類在漏雍利
為生者也故曰類在申
除害如有所漏者而厚親不稱行而類行其類在江上
雍之謂塞其源也

厚親之道不稱量輕重而行之但以其同類者即如江上之於舟無大小輕重同為浮之非不為己之可學也其類在獵走為己不為人楊子之學也非不可學以私己正如獵走獸者之私心心欲苟獲以自養耳故不學之也愛人非為譽也其類在逆旅愛人非為譽也其類在逆旅非要譽取名也如逆旅之待過客令客安耳愛人之親若愛其親其類在官差等而愛人之親與愛自親無異如有職官之人不得背公為私也兼愛相若一愛相若一愛相若其類在死也兼愛愛分一愛愛專我之於人無彼此皆愛與無二愛之專一愛同意也人皆有生而我皆以一愛愛之除無生者我不愛之其類如人莫不有死而我莫不有愛謂於人定愛之也矢死以一愛愛人死而後已也

一本以樂為利其子六句

此是墨教勤劬本義

於所體之中

而權輕重之謂權四句

所體似因上子字生出猶言一體子者我之所體也

而於其中審其愛之輕重是謂權其非愛者謂所以求其是愛也愛有似是而非者畢竟非愛者故斷之以非非猶言如何非如何非正愛死生利若一二而已非利天下與死以利天殺己以存天下二句生以利天下與死以利天殺己以存天下二句此下若一則生亦可不惜也

此事佛典為暴人語天之為十一句生夏長秋收冬藏而已若不教之以人為之事但性著所為暴殄無惜一味歌天之所為則非也何也大愛人不能使人坐而得衣食也即如諸器物皆不徒為是因我得以除之執之而為之自暴情竄之人自以為我何不任天而必欲以人事自苦者不是也執之所為上似脫一文字陳執又似謂身體之有臂指是天設之使有所執作之物而外說求之舞二之可以執者皆因此能執者而為之說求之舞二句以說求利而隨舞文以說非求利也以大圍字不漁罔大其利又舞文以為不大求也

也容也人之愛人與天之愛人同意楹非意木

也六句

人心想一楹柱非想木也然楹是木之作

用也楹雖是木成而未成楹時必竟是非木非楹也

卽如想指使之人非徒想人意欲有所獲乃所以

想得其禽也若不至於得禽而徒想其人無益也

猶愛人者必實實有愛人之功始可若但其志

于人何益所以志是志功是功也智是之世之有盜也

功須辨之不可謂志卽功也

九句

所謂智者是知世之有盜也若愛之使倉廩

而彈盜必也智者又知是室之有盜也不盡空其

室以厚死者也若竭其室以葬室中之人知之必

盡力以劫之如盜本一人而今知其葬中無所有

而盡則其力之欲盡之不盡不已是二人盜之矣

何也謂雖是一人爲盜苟不知其葬之所在原二

盡無所有但恨其力之弱而不能盡取之耳

子事親十二句

如其二子事親年適有熟有凶之不

親不因其凶而減親親之愛子之心一也非以爲

彼之行爲有益于我也非故加于我也外以遇諸

天者而執以行之無能心于其閒以爲私厚于我
之利者如今之厚葬者是藉天下之藏以爲死人
之藏隨爲所盜而天下仍害吾而不得有其藏特
字當作待吾待養于臧之力者萬倍而我之愛臧
也初不加厚徒楊木之木四句楊木桃木木之名
有愛臧之名耳桃者異也當其成時名歸之當其
敗時名無所著矣諸器以量受度數舉而名之者
惟成之則是敗也如桃木之敗仍曰桃木楊木之
敗仍曰楊木謂其木之有用而木之其類在江上
句自江上而下無不因其爲桃與楊也

所檢擇而均有沾潤也道藏

墨子江上之下有一井字

智某可也智某與上是之某義有深淺上文多一
之字下文去之字上文是實指之詞下文是想象
之詞焉知之焉又與上便謂焉也之

焉同義子書之用字法之妙如此
類行前作顧行既因顧字解之此作類行又順類
字以解之義似長於顧字者又翻爲解上之以類

字者當云於親之當厚者亦不稱其當厚之義而行之但以同爲人類而行之是愛無差等之義也又而於願

籍藏也死而天下害吾特養藏也萬倍吾愛藏也
不加厚此句最不可解藏與藏字易混愚謂皆是
藏字藏卽葬也厚吾利者籍藏也謂厚爲吾之利
者籍天下之物而藏之以爲利耶終爲天下劫盜
之死而天下仍以爲害吾初意謂此藏是我所藏
也故厚籍之以爲愛而所以專用力以養於藏者
萬倍終必爲盜之則吾之自愛其藏者實不加厚
不如薄藏之爲厚我也如此解之則通與本義不
信但上下文義難於關生只段段讀之可也又似
謂吾特以利而養藏也萬倍原其愛藏之心實不
加厚三句當在上乃愛獲
之愛人也句下錯之於此
文本難盡通逐字逐句爲之積累而疏之以求其
通可謂用心於無用矣然亦不必之見不爾則
心留而不去爾斯置之矣非爾亦有
留之暫爾留之非欲之留與博奕然

霜紅龕集卷三十五

霜紅龕集卷三十六

陽曲傅山青主

雜記一

裒字從臼臼音刖兩手相向也從衣臼加衣卽詩薄言
禴之之義蓋取人之多益已之寡卽好問好察邇言所
以爲謙也舊注與卦名何與

澤上有水節舊注其容有限一切器容皆有限皆可以
爲節乎況澤上有水非澤中有水也

吉凶悔吝生乎動者於人事無限關係打發在卜筮上
去有何緊要

吉凶者失得之象悔吝者憂虞之象承繫辭明吉凶而言變化者進退之象剛柔者晝夜之象承剛柔生變化而言六爻之動三極之道是摠括文義最明白

艮爲震見李資州易解兌爲雨見麻衣道人正易心法蓋一陽動於內爲雷發洩到外面便是霆一陰盤旋于下爲風薰蒸到上面便是雨不然聖人說八卦却遺了一角成甚道理

太叔于田注曰段以不義得衆而民愛之不親不暱左氏言之詳矣所稱者驅馳田獵而已此與副笄六珈之稱宣姜者何異爲刺不爲美無疑也

鄭風二十一篇十五爲淫奔詩當緣鄭聲淫一語之泥
不知詩初非聲也若取六經中韻語譜入琵琶阮咸而
使梨園歌唱將遂得爲雅樂乎

道高一尺魔高一丈解得魔身在道中慧劍便有幾分
快處

儒者釋耒耜而學不驗之語誠然哉

薛文清公云許魯齋無時不以致其君堯舜爲心此語
極可笑學者當謹察象占此語極沒要緊其君何君也
象占何用也

吾極喜近日柏山和尚一猜字

可惜一本好大學折得亂騰騰地

近日讀王龍谿先生書不惟於陽明先生良知頗有理會正當注易覺與舊日隨文銓義者亦稍稍有頭腦因思看書灑脫一番長進一番若只在注脚中討分曉此之謂鑽故紙此之謂蝨魚

義襲二字乃沿襲之謂隨事求識解不曾曉得率性之道故曰告子未嘗知義以其外之也王龍谿云貨殖只是作得義襲工夫區區在貧富上證解恐非聖人語意其集義也如何必有事而勿正何謂必有事心勿忘是也何謂勿忘勿助長是也陽明先生曰俺這裏工夫只

在必有事

李太白對皇帝只如對常人作官只如作秀才纔成得狂者

關壯繆郭汾陽是聖人種子只是沒學問張留侯諸葛武侯是聖人苗子只是不會按根見底

吾極不喜王子明大處遷就也遷就便不是率性之道伯夷不降其志此語甚好

歐陽文忠公宰相世系表表兵志極好乃只稱其五代史何也

人皆苦炎熱我愛夏日長薰風自南來殿閣生微涼規

集十一
諷深婉所謂言之者無罪蘇長公續之贅矣

漢唐以後仙佛代不乏人儒者絕無聖人此何以故不可不究其源

爲學先當立志修身先當知恥

老人與少時心情絕不相同除了讀書靜坐如何過得日子極知此是暮氣然隨緣隨盡聽其自然若更勉強向世味上濃一番恐添一層罪過

楊子雲太玄經邵康節以爲是吾不得而知之也朱文公以爲非吾不得而知之也然而康節以數言數文公以理衡數也

老簡於莊孔簡於孟簡者其至乎然而佛則愈繁也
詩三百誦詩三百皆舉全經言也似乎春秋時學官所
藏已止有此數而曰孔子刪詩其然乎

楊升菴曰布帛菽粟但陳陳相因而不可用耳誰能奉
此爲著龜也者又曰倒有案子只是無錢可穿余恐索
子亦腐敗不任穿錢耳

李念齋有言東林好以理勝人性理中宋儒諸議論無
非此病

今之解隱居以求其志行義以達其道都如作夢須參
其夢者何境與一切夢者何境也

申韓說得不好却踏著實地王介甫說得較好卻踏不著實地所以王不成王伯不成伯此語極有斤兩余謂介甫上仁宗皇帝書句句是把持紛更儒者偏要諱其姦字何也

宋人議論多而成功少必有病根學者不得容易抹過今之談者云二氏只成得已不足成物無論是隔韓搔痒語便只成得已有何不妙而煩以爲異而闕之也先帝知臣謹慎只此便是翼翼小心澹泊明志寧靜致遠只此便是廓清本體

正其誼不謀其利明其道不計其功是句正經好語胡

致堂一引用便有許多不妙

韓柳歐蘇文章妙矣然終覺閑話多王唐瞿薛文章妙矣然只覺惟有格套而已

邪來煩惱至正來煩惱除邪正不兩立清淨至無餘

明王道闊異端是道學家門面却自己只作得義襲工

夫非陽明先生直指本源千古殊缺覺察

今所行五經四書注一代之王制非千古之道統也注疏泛濫矣其精處非後儒所及不可不知

庾開府詩字字眞字字怨說者乃曰詩要從容爾雅夫小弁屈原何時何地也而概責之以從容爾雅可謂全

無心肝矣

羅念庵曰良知不是現成的可爲大海波浪轉下一注脚近之講六爻皆無妄者可謂認賊作子者矣

北宋宰相李文靖爲首韓魏公其次其餘不免落道學窠臼

邵康節師弟源流出麻衣道人儒者不敢非康節而敢於非正易心法真是非安在

讀書不可貪多只於一種裏鑽研窮究打得破時便處處皆融此與戰陣參禪總是一樣若能如此無不可用若但亂取東西齊撞殊不中用不唯不得力且累筆性

此不是不教讀書之說是戒讀而不精者之語知此則許言博也翫物喪志之言亦是一般

一雙空靈眼睛不唯不許今人瞞過並不許古人瞞過看古人行事有全是底有全非底有先是後非底有先非後是底有似是而非似非而是底至十百是其中之一非十百非其中之一是了然於前我取其是而去其非其中更有執拗之君子惡其人卽其人之是亦硬指爲非喜承順之君子愛其人卽其人之非亦私泥爲是千變萬狀不勝辨別但使我之心不受私弊光明洞達隨時隨事觸著便了原不待討論而得無奈平素講究不明

主宰不定一切妄聽妄說無師無友混帳糊塗強牙賴
嘴想要只等算个人物在世上熊頭虎腦但令識者含
礫賠繖而已

讀理書尤著不得一依傍之義大悟底人先後一揆雖
勢易局新不礙大同若奴人不會究得人心空靈法界
單單靠定前人一半句註脚說我是有本之學正是咬
齟人脚後跟底貨大是死狗扶不上牆也

童子讀書人皆謂之學生長而好讀書人稱羨之則曰
學者老夫每道寧可老作學生不可少作學者生不可
量者則者矣者者著也著始者無所著者渠不者人之

爲人豈可自者而令人者之而已者上本與古旅旅聲
果爾旅則不得者之矣好學而無常家當復何者無所
住而生其心者字於何安頓乎子夏曰日知其所亡似
生月無忘其所能近者禮後之悟生矣者能欲捨矣凡
涵詠已知敦篤已能皆者也抱柱洗浴把纜放船命根
到底斷不得者之病病魔病佛等者不者而者佛非佛
者魔非魔不者魔非佛不者佛亦非魔見的真正拏三
道三是拏三道四拏五道十者無不是遇知音者不向
拏向道上尋伺對面大笑只瞞了瞎漢老子此段話頭
學者且用不著若有向上志氣勿作驚怖在

先父背上有結痂數處每洗面時以手摸著則淚下如雨山小時間之云此爺爺教我讀書鞭朴之恩也今不得矣輒大痛子孫知此痛在那裏偶論及某饑寒眉從傍曰此輩却非饑寒累了我正是我翻累了饑寒此語大可讀饑寒真是恩

句貸決不可謾爲此中往往作負責也果奇才遠畧不無少因亦得知已豪士通之若本無經紀而妄需人引手打算將來不如忍饑乾淨始而乞憐終而怨尤喪氣丟人千萬劣狀不可勝寫若我可以通諸人者絕當抹去此念與人而或負亦不得以負我責之並不許藏諸

心

舍兄弟不親天下其誰親之誰知天下卽有不欲其兄弟相親之人賈誦亂人也而寄語袁氏兄弟曰兄弟不能相容而能容國士乎且看誦爲何如人乃知以此等語揶揄不肖有兄弟者念之

天子求言而無受諫之地雖納諫亦是名根莊子曰爲善無近名此語不得胡盧提過

重巘增石簡積頽砭兀婁狝鬻傾吳倚伏摩窮巧老港洞坑谷嶰壑澮峴峒窞巖窞運衰穿汶岡連嶺屬林簫蔓荆森慘作樸鬻本作鬻非鬻玉篇肥也于此義遠注

云嶽峻之貌何取于肥也當作髣髴之髣髴類是傾下
似當是矣卽作昊義如垂天更永嶰注引爾雅小山別
大山嶰然爾雅實鮮字不作山旁解也鮮猶少也卽嶰
亦通作解不从山律歷志取竹之解谷孟康曰解脫也
一曰谷名崑崙北谷注又曰兩山夾澗似矣說文山部
無嶰字廣成頌谷底幽嶰不知引爾雅嶰何義想李善
時爾雅如此耶然引李巡曰大山少故曰鮮巡在景純
之前本如此而善注又何所據玉篇有嶰字但曰山名
不及爾雅別鮮之義

天下虛心人莫過我憐才人亦莫過我而謬膺一好罵

人之名寃乎哉卽使我真好罵人在人亦當自反罵不
中耶是仰面唾天若罵中耶何不取以自省以我爲一
藥味何如況我又知佛教中說一破戒比丘過者如出
佛身血此等工夫少能自檢不知於人我之間培多少
忠厚和平之德何利於妄口誣賢而爲之訐以爲直聖
賢大惡童而習之矣

墨莊漫錄云近時士大夫不行佛之心而行佛之迹皆
是談慈悲而行若蜂蠆者望無上菩提吾未之信梁武
帝之奉佛也可謂篤矣若捨身爲寺奴宗廟供麴牲乃
築浮山墟灌壽春欲取中原一夕而殺數萬人其心豈

佛也哉如此論乃眞奴婆媽之見所以今之奴人往往道太祖慘毒而置之不論不知太祖佛子也若說不殺人始是佛子除是人不可殺佛子自然不殺孟子殺一不辜之言亦不得囿圖說之一不辜不可殺而萬辜自可殺之天吏逸德亦有令人怨不及處革之時大矣哉人不幸而遭爲聖人殺之之時無可奈何直不狠聖人所惡而殺之之事耳

今人讀秋聲賦皆以歐陽子爲句方夜讀書爲句偶有問者曰歐陽子方是何人皆掩口嗤之及讀別傳歐陽永叔亦字子方乃知向人之問雖憤憤而嗤者政未了

了也

霜紅龕集卷三十六